



BOSANSKO NARODNO VIJEĆE
BOSNIAN NATIONAL COUNCIL

DEKLARACIJA O BOSNI I BOSANSTVU

25. novembar 2023.g.

Deklaracija o Bosni i bosanstvu

Preambula

Polazeći od tekovina, sticanih u vremenu od preko hiljadu godina postojanja zemlje Bosne, ova zemlja i njeno autohtono stanovništvo ima historijsko pravo na svoje samoodređenje. Shodno tome, naziv „Bosnac“ je prvi, najlogičniji i savremeni naziv za pripadnost bosanskoj državi.

Imajući u vidu da su ovom zemljom vladale razne svjetske sile, upravljajući njenim resursima, narodom i teritorijom, te time bitno izmijenile karakter državnog uređenja, prilagođavajući ga svojoj volji i interesima.

Budući da je bosanski identitet nepravедно potisnut na margine političkih, nacionalnih i svih drugih, domaćih i međunarodnih odnosa, čime mu je uskraćeno historijsko pravo na upravljanje i odlučivanje u vlastitoj zemlji,

Imajući u vidu da je sadašnje ustavno uređenje Bosne i Hercegovine zasnovano na etničkim, a ne građanskim principima, te da su sve probosanske snage opredjeljene ka euro-atlantskim integracijama,

Konstatujući činjenicu da je etnička podijeljenost uzrok nestabilnosti i stalna latentna prijetnja miru, kako u zemlji tako i u regionu,

U cilju transformacije Bosne i Hercegovine u modernu, demokratsku, građansku evropsku državu iskazujemo zahtjev za ustavne promjene, ili Međunarodnu konferenciju o Bosni i Hercegovini kako bi se prethodne činjenice pravno utemeljile, pod sloganom:

BOSNA BOSANCIMA

Stanak/Parlament Bosanskog narodnog vijeća, dana 25.11.2023. godine, donosi,

DEKLARACIJU O BOSNI I BOSANSTVU

član I

Država Bosna i Hercegovina je suverena i međunarodno priznata država, koja ima svoj teritorijalni integritet, bez aspiracija na teritorije drugih država, opredjeljena za mir, suživot, suradnju i ekonomski prosperitet.

član II

Opredjeljeni smo za vraćanje naziva Bosna i Hercegovina u autohtono povijesno ime države „BOSNA“, identiteta „BOSANAC“, jezika „BOSANSKI“.

član III

Bosanski identitet utemeljiti kao imenovanu ustavnu kategoriju.

član IV

Razvijati bosansku nacionalnu svijest zajednice svih građana Bosne i Hercegovine.

član V

Državu Bosnu i Hercegovinu urediti na demokratskim, građanskim principima i time ostvariti predušlove za nesmetane euro-atlantske integracije.

član VI

Svima koji pripadaju bosanskom identitetu omogućiti da dobiju državljanstvo Bosne i Hercegovine i bosanski pasoš.

član VII

Ukinuti sve teritorijalne podjele, koje su bazirane na pripadnosti narodu, naciji, religiji i sl.

član VIII

Sa bosanstvom završiti proces uobličavanja etničkog i nacionalnog identiteta čime bi se zaustavilo dalje urušavanje našeg društva i države.

član IX

Svim građanima države Bosne garantuje se pravo i sloboda na drugo etničko, nacionalno opredjeljenje, jezik, kulturu, tradiciju, vjeroispovjest i sva ostala ljudska prava utemeljena Općom deklaracijom o ljudskim pravima koju je donijela Generalna Skupština Ujedinjenih nacija, 10. decembra 1948.g.

Član X

Preporučujemo svima koji smatraju da pripadaju bosanskoj tradiciji, kulturi, historiji, bez obzira na vjersku, ili drugu pripadnost da sebe odrede kao Bosance neovisno ot toga da li žive u Bosni i Hercegovini, ili u inostranstvu, i da tu svoju volju izraze na predstojećem popisu stanovništva.

Insistirat ćemo da na popisu imamo dvije rubrike, posebno narod kaoi pripadnost etničkoj skupini, a posebno nacija kao pripadnost državi.

Sve za Bosnu, Bosnu ni za šta!

Sarajevo, 25.11.2023.g.

BOSANSKO NARODNO VIJEĆE